

**ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ**

**ՈՐԱԿԻ ԱՊԱՀՈՎՄԱՆ ԲԱԺՆԻ 2017 – 2018 ՈՒՍՈՒՄՆԱԿԱՆ ՏԱՐՎԱ  
ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ**

**ՀԱՇՎԵՏՎՈՒԹՅՈՒՆ**

Որակի ապահովման բաժինը 2017 – 2018 ուստարվա գործունեության ընթացքում իրականացրել է աշխատանքային պլանով նախատեսված գործողությունները, մասնավորապես՝

1. Որակի ներքին ապահովման համակարգի վերաբերյալ կազմակերպվել են սեմինար-խորհրդակցություններ ուսանողների և ամբիոնների ներկայացուցիչների շրջանում: Ընդհանուր առմամբ կազմակերպվել է 15 սեմինար-խորհրդակցություն, մասնակցել են բոլոր ամբիոնների ՈԱ պատասխանատուները, ուսանողական խորհրդի նախագահը և ակտիվ ուսանողները:
2. ՈԱԱԿ հիմնադրամի կողմից հաշվետու տարում կազմակերպվել է երեք միջազգային և 4 հանրապետական աշխատաժողովներ՝ նվիրված բուհերում կրթության բարեփոխումներին և որակի ապահովման համակարգի կատարելագործմանը:
3. ՈԱԱԿ-ի փորձագետ Ա.Մակարյանի հետ համատեղ կազմակերպվել են մի շարք հանդիպումներ ինստիտուտում ներբուհական որակի ապահովման բարելավման ուղղությամբ: Արդյունքում վերանայվել են ՄԿԾ-ը, առարկայական դասընթացների ծրագրերը և ուսումնական պլանները:
4. Հաշվետու տարվա ընթացքում նախատեսված պրոֆեսորադասախոսական և ուսումնաօժանդակ կազմի որակավորման և վերապատրաստման դասընթացները կկազմակերպվեն հաջորդ ուսումնական տարվա ընթացքում (համաձայն ՀՀ բարձրագույն և հետբուհական կրթության մասին օրենքի՝ առնվազն 5 տարին մեկ անգամ):
5. Ինստիտուտում որակի ներքին ապահովման գործընթացների իրականացման, մշտադիտարկման աշխատանքների արդյունքում ՈԱ գործընթացը մշտապես բարելավվում է: Դեկանների և ամբիոնների ներկայացուցիչների հետ միասին լրամշակվել են «Մասնագիտական մանկավարժություն», «Լրագրություն» և «Սպորտ» կրթական ծրագրերի վերջնարդյունքները:

6. Հաշվետու տարում անհրաժեշտ հաշվետվություններ, զեկույցներ է պատրաստվել և ներկայացվել ռեկտորատ և գիտական խորհուրդ ՈԱ բաժնի ընթացիկ աշխատանքների վերաբերյալ՝ ընդհանուր 4-ը:
7. Համաձայն միասնական մշակված նոր ձևաչափի՝ ամբիոնները կազմել են առարկայական դասընթացների ծրագրերը և նկարագրերը:
8. Հոկտեմբերի 1 – 5-ը Աղվերանում ինստիտուտի ՈԱ աշխատանքային խմբի 20 հոգանոց անձնակազմի համար ՖԿ և սպորտի բնագավառի միջազգային փորձի ներկայացման, առաջնային խնդիրների հետազոտական նոր մոտեցումների վերաբերյալ կազմակերպվել է միջազգային փորձագետների կողմից վերապատրաստում: Վերապատրաստման վերջում բոլոր մասնակիցներին շնորհվել է հավաստագրեր:
9. Հաշվետու տարվա ընթացքում ՈԱ բաժնի անձնակազմը ունեցել է երեք արտասահմանյան գործուղումներ՝ փորձի ձեռքբերման և փոխանակման նպատակով: Արդյունքում Բելգիայի Թոմաս Մոր համալսարանական քոլեջների գործընկերների օգնությամբ մշակվել են համատեղ հետազոտական ծրագրեր, կինեզիոլոգիայի և Մարզական լրագրության ուսումնական պլանները: Բելառուսի գործընկերների առաջարկությամբ նախագծային փուլում է համատեղ հետազոտությունների թեմաների պլանավորումը:
10. Աշխատաշուկայի վերլուծության իրականացման, ՄԿԾ-ի բենչմարքինգի, գործող ծրագրերի վերջնարդյունքների վերանայման նպատակով, մարտի 28-ին ինստիտուտում տեղի ունեցավ «Բուհ-գործատու համագործակցության նոր եզրեր» խորագրով կլոր սեղան-քննարկում: Հանդիպմանը մասնակցում էին ինստիտուտի ներքին շահակիցները՝ դեկանները, ամբիոնի վարիչները, դասախոսները, ուսանողները և պետական գերատեսչական կառույցների ներկայացուցիչներ, մասնավորապես՝ ՀՀ Սպորտի և երիտասարդության հարցերի նախարար Հրաչյա Ռոստոմյանը, ՀՀ ԿԳԼ նախագորակոչային և ֆիզիկական դաստիարակության վարչության պետը և ՀՀ ԿԳԼ ԿԾԿ ԾԻԳ-ի դրամաշնորհային ծրագրերի համակարգողները:
11. Ինստիտուցիոնալ հավատարմագրման փորձագիտական զեկույցում նշված թերությունների վերացման պլան- ժամանակացույցի շուրջ տարվող աշխատանքների վերաբերյալ հաշվետու տարվա համար նախատեսված աշխատանքներն իրականացնելու նպատակով ՈԱ բաժինը կազմակերպել է մի շարք հանդիպումներ,



խորհրդատվություններ ուսումնական մասի, ֆակուլտետների և ամբիոնների որակի ապահովման պատասխանատուների հետ՝ նշված գործողություններին ու քայլերին համապատասխան: Հիմնականում թերությունները ամբողջովին ներառված են ինստիտուտի 2016-2020 թթ. զարգացման ռազմավարական ծրագրում՝ որպես նպատակներ և խնդիրներ, որի համար մշակվել է գործողությունների իրականացման ժամանակացույց: Ըստ 2017-2018 ուստարվա պլան-ժամանակացույցի՝ աշխատանքները մեկնարկել ենք ՈԱԱԿ-ի փորձագետ Ա.Մակարյանի և ՈԱ հանձնա-ժողովի անդամների հետ հանդիպում-քննարկումներով: Համաձայն ժամանակացույցի ներկայումս իրականացվում են՝ մասնագիտական կրթական ծրագրերի վերանայման աշխատանքները համաձայն ռեկտորի 12.02.2018թ.-ի № 58 հրամանի և «ՀՖԿՍՊԻ ՄԿԾ-ի մշակման և հաստատման կարգի»: Այդ նպատակով ուսումնական մասի հետ միասին ամբիոններին ներկայացվել են բակալավրի «Մասնագիտական մանկավարժություն», «Լրագրություն» և «Սպորտ» կրթական ծրագրերի 2018-2019 ուստարվա ուսումնական պլանները: Մշակվում է ՄԿԾ-ի նկարագրերը և ամբիոնների դասախոսական կազմին ներկայացվող ընդհանուր և մասնագիտական պահանջները՝ ծրագրի նպատակին և կրթական վերջնարդյունքներին համապատասխան: Աշխատանքի ավարտից հետո պետք է կիրարկել դասախոսական կազմի պաշտոնի տեղակալման նոր կարգը և հաշվի առնել ուսումնական բեռնվածության բաշխման ժամանակ:

12. ՆՄՀ դրամաշնորհային ծրագրի իրականացման ժամանակահատվածում գիտահետազոտական աշխատանքների որակի բարելավման նպատակով ՆՄՀ դրամաշնորհային ծրագրի միջոցներով մինչև տարեվերջ կշահագործվի «ՍՊՈՐՏ ԿԱԲ» ժամանակակից գիտահետազոտական կենտրոնը: Մշակվել է կենտրոնի կանոնադրության և անհրաժեշտ փաստաթղթերի փաթեթի նախագիծը:
13. Հաշվետու տարում բաժնի կողմից խմբագրվել և տպագրվել է 2017-2018 ուսումնական տարվա շրջանավարտների դիպլոմի երկլեզու հավելվածները:

ՈԱ բաժնի պետ՝



Ա.Գ.Գյոզալյան

02.07.2018թ.